



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

§. 2. De Ministro Eucharistiæ.

urn:nbn:de:hbz:466:1-40873

§. 2. De Ministro Eucharistiae.

1. **E**ucharistiam ministrare solus potest ex officio Sacerdos habens jurisdictionem ordinariam, aut sibi delegatam: peccat proinde graviter, qui sine omni jurisdictione Eucharistiam dispensare præsumeret. Et si sit inferior Sacerdote v.g. Diaconus irregularitatem incurrit.

2. Si tamen Sacerdos carens jurisdictione præsumat ob rationabilem causam, factum suum à Parocho approbandum, licet Eucharistiam administrat, *Bonac. Regin. hic n. 19. aliisque.*

3. Si periculum sit ne infirmus sine sacro viatico moriatur, & proprius Pastor sit absens, vel impeditus, vel malignè neget, poterit viaticum conferre quivis Sacerdos tam sacerularis quam regularis, & in horum defectu etiam Diaconus. Quia in hoc casu censetur ea potestas collata ab Episcopo aut Pontifice, ita *Suar. Bonac. Lugo, Laym. l. 5 tr. 4. c. 7.*

4. Etsi Regulares ex suis privilegiis possint in propriis templis communicare quoscumque filieles, sive per se, sive per alios Sacerdotes: illa tamen potestas, lege ordinariâ, non extendit se ad communionem præbendam ratione viatici in articulo mortis, aut in festo Paschatis, per quam scilicet satisfiat præcepto annuae communionis, cui si communicans alio tempore satisfaciat, illa communio ei libera manet, uti docet *Sa. Fillius. & usus communis.*

5. Non licet tamen Religiosis ad quamvis communionem, sine facultate Episcopi, aut Parochi, Eucharistiam publicè per plateas deferre, nisi forte ad milites, aut alios apud quos ipsi Pastoris munus obeunt. Quia id juri Parochorum per

348 Pars 3. tract. 4. cap. 4. De Sacram. Euchar.
consuetudinem obtento derogaret. Proinde
quando de licentia Ordinarij ægris communio-
nem præbent, id debet privatim fieri.

6. In Missionibus autem, ubi in privatorum
domibus passim celebratur, facultas in sacro præ-
bendi communionem cuivis legitimè accedenti
concessa censetur cuivis Sacerdoti, nisi hoc ali-
cui peculiari præcepto esset inhibitum.

Quando Sacerdos non conficit, sed solum ad-
ministrat alijs Eucharistiam in statu peccati,
probabile est illum non peccare mortaliter,
quamvis non desint graves authores, qui com-
muniū docent oppositum, ideoque curandum,
ut Sanctum non nisi sancte tractetur.

7. Quamvis teneatur Minister Eucharistiam
manu porrigere: non est tamen improbabile
ex gravi causa licere mediante instrumento ido-
neo eam communicantis ori inserere, apud Dia-
nam p. 4. t. 4. ref. 114. Quod confirmatur ex eo,
quod in magna oris siccitate licitum esse hostie
particulam in cochleari cum vino traicere do-
ceat *Prep. Escob. Diana* p. 4. tr. 4. r. 104.

8. Graviter peccat Minister præbens Euchari-
stiam sub utraque specie, secluso Pontificis in-
dulso.

9. A mortali Ministrum excusari qui solas spe-
cies vini daret ægro impotenti hostiam deglutire
sentit, *Amicus apud Diana* p. 8. t. 1. r. 24.

Quarit Card. Lugo in resp. moral. l. 1. dub. 11.
An licet Eucharistiam deferre infirmo adoran-
dam aut deosculandam, quando eam sumere
non valet?

Respondet autem negativè, quia si sic adhibe-
retur instar reliquiarum, minueretur reverentia
debita tantæ majestati, & alia sequentur in-
commoda: propter quæ ea praxis à Pontifice pro-

Pars 3. tract. 4. cap. 4. De Sacram. Euchar. 349
prohibita est, uti refertur in declar. Concili
lii Tridentini in sess. 13. Can. 7. apud Lugo loco
citato.

10. Tenetur Sacerdos negare Communio
nem personis ad illam indispositis, v. g. publi
co peccatori, usurario, meretrici, concubi
nario. Quia illis ministrando eorum peccato
cooperaretur, & Sacramentum gravi irreve
rentia afficeret.

11. Si occultè tantum constet suscipientem
esse indispositum, illi occultè petenti negari
debet, non tamen petenti publicè, ne per hoc
infamiam incurrat. Quod si indispositio oc
cultia solùm ex Confessione cognita fuerit, ne
quidem licebit eam negare occultè postulanti.
Quia illa esset quædam peccati admonitio, quæ
Confessionis sigillo adversatur. Bonac. Laym.
Lugo, &c.

QUESTIO est, An si Reus confugiat ad Sa
cerdotem Eucharistiam publicè portantem ga
deat immunitate, sicut confugiens ad Eccle
siam?

Respondeatur affirmativè cum Navarro cap. 4.
num. 18. qui hanc sententiam dicit communem
cum Hostiensi, Angelo, Claro &c.

Sed Queritur ulterius, An idem dicendum sit,
si Reus qui v. g. ducitur ad supplicium confu
giat ad complexum Sacerdotis, qui Euchari
stiam in pyxide occultè portat?

Respondeat ad hunc casum affirmativè Quinta
nadvennas tract. 4. sing. ult. qui testatur illum ca
sum actu contigisse. Quia ratio cur Euchari
stia publicè portata, & templo gaudeant hoc
privilegio, est reverentia & veneratio hujus Sa
cramenti, quæ non minus exhibenda est dum
occultè defertur. Si enim liberatur reus, teste
Bartolo,

350 Pars 3. tract. 4. cap 4 De Sacram. Euchar.
Bartolo, Claro, Baldo, aliquique, qui ductus ad
supplicium occurrit Cardinali, si hic suum pi-
leum purpureum istius capiti imponat aut im-
poni faciat, quanto magis in casu praesenti.
ibid. n. 5.

§. 3. Dispositio requisita in suscipiente Euchari-
stiam.

1. Quoad animæ dispositionem: Certum est,
quam illam, qui est in statu peccati mortalis,
gravi præcepto obligari ad confitendum ante
sumptionem Eucharistiae; nisi adsit necessitas
celebrandi, aut communicandi, & desit copia
Confessarii, ex Trid. sess. 13. c. 7.

2. Idem dicendum est de eo, qui dubitat,
an admiserit peccatum mortale, aut an fuerit
illud ritè confessus, Suar. Sanch. Bonac. d. 4. q. 6.
cap. 7.

3. Si autem gravis urgeat celebrandi, aut
communicandi necessitas, tenetur præmittere
actum contritionis: & si fuerit Sacerdos, præ-
cipit Tridentinum, ut non differat postea quam
primum confiteri. Quia alias omittendo contri-
tionem poneret obicem gratiæ, & gravem com-
mitteret irreverentiam, & sacrilegium.

Notandum verò est, quid circa illud, quam
primum, nimis laxè sumptum decernat Alexan-
der VII. per propositionem 38. inter prohibi-
tas: Mandatum Tridentini factum Sacerdoti sacri-
ficianti ex necessitate cum peccato mortali, confiteri quam
primum; est consilium, non præceptum. Et pro-
pos. 39. Illa particula, quam primum intelligitur,
cum Sacerdos suo tempore confitebitur.

4. Necessitas autem gravis excusans à Con-
fessione est primò: Periculum mortis. 2. Ho-